

Entrega de Premios aos gañadores do Certame Literario Diego Sarmiento de Acuña.

Escrito por Redaccion @valminorinfo
Sábado, 18 Xuño 2011 19:14



O vindeiro luns ás 10 de mañá no auditorio municipal Lois Tobío terá lugar a entrega de premios aos gañadores da 8ª edición do Certame Literario Diego Sarmiento de Acuña, organizado pola Concellería de Educación do Concello de Gondomar e que conta coa colaboración do Instituto de Estudos Miñoranos. Trátase dun concurso de poesía e narración de ámbito miñorán dirixido aos escolares de primaria, ESO e bacharelato desta bisbarra. O certame que foi recuperado logo de truncarse a súa celebración en 2009, pretende contribuír a potenciar a creatividade literaria da mocidade, en lingua galega.

A entrega de premios terá lugar nun acto aberto a todo o que queira asistir, que se celebrará ás 10 da mañá no Auditorio Municipal “Lois Tobío”, acto que estará conducido pola poeta e profesora Marta Dacosta e amenizado polo contacontos Mario Tomás. Entregaráselles a todos os asistentes un libro que recolle os traballos premiados na convocatoria anterior e na actual. Ao final haberá degustación das famosas trenzas de rosca de Gondomar e refrescos.